

INUIT ATAQATIGIIT

Inatsisartuni



8. maj 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Maannamut suliffiit qassimmita Kangerlussuaq-miit sinerissamut soorlu Nuuk-mut il.il. nuunneqarsimaleqqappat?**
- 2. Mittarfeqarfittut atorunnaassappat nunaqarfimmi inissiarpassuit hangar-it il.il. atorunnaartussaaniassapput, tamakku isaterneqarneri eqqarneqarneri taamatuttaarlu nunaqarfimmi saliinissaarsuarmut qanoq aningaasartuuteqartoqassava?**
- 3. Mittarfik atorunnaassappat ilimagisariaqassanerparput timmisartuaqqat (bell 212) atorlugit Kangerlussuaq-mut angalasoqartalernissaa, taamaassagaluarpat kffartuussinissamut aningaasat qanoq annertutigisut atorneqartassappat?**
- 4. Mittarfik atorunnaassappat inunnik assartuussineq aasakkut qanoq ingerlanneqartassava?**
- 5. Kommunitut nalimmassaarutininik aningaasat qanoq agguataarneqartalissappat, Qeqqata Kommunianut akileraartarnikkut annertuumik sunniuteqassagunarmat?**
- 6. Kangerlussuaq-mi innuttaasut nuttarsinnaanermut aningaasat qanoq annertutigisut atorneqassappat?**
- 7. Kangerlussuaq mittarfittut atorunnaarpat nunatta sinnerani illoqarfinni aammalumi nunaqarfinni inuuniarneq oqinnerulissanerpa?**
- 8. Nunatta sinnerani illoqarfinni aammalu nunaqarfinni inunnik assartuussisarnikkut taamatuttaarlu nioqqutissanik assartuussisarnikkut qanoq sunniuteqassavamita Nuuk-mi mittarfissualiorneq?**
- 9. Umiarsuit takornariartaatit soorlu FRAM siunissami ilimaginaviangilagut Kangerlussuaq tikittassagaat, tassami taakku ataasiinnarmik siunnerfeqarlutik tikittarnikuusimassapput, tassalu ilaasut taarsernissaat, taamaattumik qanoq takornariaqarnikkut siuarsaanissaq takorloorneqarpa?**
- 10. Ukiunerani takornariarpassuit aamma Kangerlussuaq tikittarpaat, mittarfilli atorunnaassappat tamanna aamma nunatta pisussutaanut kulturitsinnut equunerlunnissaa ilimagineqassanerpa?**

(Inatsisartuni ilaasortaq Villy Olsvig, Inuit Ataqtigiit)

Tungavilersuutit:

Naalackersuisoqatigiit isumaqatigiissutaanni ilaatigut allaqqasoqarpoq Nuuk-mi mittarfissualiortoqassaaq aammalu Ilulissat-ni mittarfik tallineqassaaq, taakkulu sanaartorneqarnissaat piviusunngussappat annertuumik nunatsinni allannguisoqartussaaniassaaq, ilaatigut immaqa tamanna annertunerpaamik Kangerlussuaq-mut sunniuteqarsinnaasumik

Taamaattumik sukumiisumik innutaaaasunut paasissutissaasinnaasunik suliaqartoqartariaqarsorinarpoq.

Apeqquteqaat ullut suliffiit qulit qaangiutinnagit akineqarnissaa kissaatiginarpoq.